

INUIT ATAQATIGIIT

INATSISARTUNI



Nuuk, 14. juni 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartunut ilaasortaq Naaja H. Nathanielsen, Inuit Ataqtigiiit)

Apeqqutit:

- 1) Kalaallit Nunaata qillerinerni qillerutit marluunissaannik piumasaqaataannut immikkut pineqarluni ataasiinnaanissaanut Naalakkersuisut olia-sioqatigiiffinit kissateqarfigineqarsimanerlutik? Taamaassimappat Naalakkersuisut qanoq akisimanersut paaserusupparput.
- 2) Qillerutit marluunissaannut piumasaqaatip pinngitsoortinneqannginnissaanut Naalakkersuisut naqissusiiniarlutik?

Tunngavilersuut:

Oliasiorfeqatigiiffiit Issittumi qillerinerni qillerutit marluusussaanerannut pinngitsuuisussamik pisortanut akuersisitsiniarnerat tusagassiutitigut tusarsaavoq. Tassunga taarsiullugu oliasiorfeqatigiinnut akikinnerusussatut periutsit marluk suleqatigiissillugit atorlugit, tassa "capping stack"-mik taaneqartartoq, taavalu ajutoortoqassagaluarpat oqilisaassisumik puilasulialiorneq periuseralugu. Periuserli tamanna arlalinnit piuma-neqanngilaq, ilaatigut Canadami USA-milu ilisimasalinnit pisortaniillu piumaneqarani.

Soqutiginaasaarli paasissallugu Naalakkersuisut oliasiorfeqatigiiffiit kissaataannut taak-kunatulli isornartoqartitsinersut. Manna tikillugu Naalakkersuisut sillimaniarnermut atuut-tunut illersuisuupput, taamaattoqassappat Naalakkersuisut sillimaniarnermut piumasaqaatinik qasuk-kaanissaannik isumakuluuteqartuusugut toqqissiallaatigissavarput.

Ersitsumik ammasumillu pissuseqarnissaq anguniarlugu Naalakkersuisut oliasiorfeqatigiiffiit tunngavilersuutaannik tusareerlutik qanoq inerniliisimanerannik tusagaqassalluni pissusis-samisuusaaq.

Naalakkersuisut oliasiorfeqatigiiffiit kissaataannut akuersaassanngitsut neriutigilluinarpara. Taamaattoqassappat Naalakkersuisut sillimaniarnermut piumasaqaatinik qasuk-kaanissaannik isumakuluuteqartuusugut toqqissiallaatigissavarput.

Apeqqutit tamakkerlutik ullut qulit qaangiutinnginnerini akineqarnissaat qinnutigivara.